

影印
文淵閣

四庫全書

影印

文淵閣四庫全書

第一〇六五冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

東皋子集

附東皋子集傳錄

唐王績撰……………一

寒山詩集

附豐干拾得詩

唐釋寒山撰……………二九
唐釋豐干撰拾得……………

王子安集

附

唐王勃撰……………六一
明張燮輯編……………

盈川集

附

唐楊炯撰……………一八七
明童佩輯編……………

盧昇之集

駱丞集

附

唐盧照鄰撰……………二九三
唐駱賓王撰……………三四一
明顏文選註……………

陳拾遺集

附

唐陳子昂撰……………五二七

張燕公集

唐張說撰……………六六一

欽定四庫全書

集部
東臯子集卷上

詳校官左都御史_臣李紱
檢討_臣何思鈞覆勘

總校官編修_臣王燕緒
校對官待詔_臣胡士震
騰錄監生_臣張誠

欽定四庫全書

集部二

東臯子集

別集類一唐

提要

_臣等謹案東臯子集三卷唐王績撰績字無

功太原祁人隋大業中授秘書省正字出為

六合丞歸隱杜山東臯自號東臯子唐初以

前官待詔門下復求為太樂丞後乃解官歸

里是身事兩朝皆以仕途不達乃退而放浪

欽定四庫全書

東臯子集
提要

于山林新唐書列之隱逸傳所未喻也然績

為王通之弟而志趣高雅不隨通聚徒講學

獻策于進其人品亦不可及矣史稱其簡放

嗜酒嘗作醉鄉記五斗先生傳無心子傳其

醉鄉記為蘇軾所稱然他文亦疎野有致其

詩惟野望一首為世傳誦然如石竹詠意境

高古薛記室收過莊見尋詩二十四韻氣格

遒健皆能滌初唐俳偶板滯之習置之開元

天寶間弗能別也唐書藝文志載續集五卷

陳振孫書錄解題亦云其呂友才鳩訪遺文編成五卷為之序而今本實止三卷又晁公武讀書志引呂才序稱續年十五歲楊素占對英辨謝道衡見其登龍門憶禹賦嘆為今之庾信且載其卜筮驗者數事今本呂才序尚存而晁公武所引之文則無之又序稱鳩訪未畢輯為三卷與書錄解題不合其登龍

欽定四庫全書

東皋子集
提要

門一賦亦不載集中或宋末本集已佚後人從文苑英華文粹諸書中采續詩文彙為此編而偽託才序以冠之未可知也此本為明崇禎中刊本卷首尚有陸淳序一首晁陳二家目中皆未言及其真偽亦在兩可間矣乾隆四十六年十月恭校上

總纂官 臣紀昀 臣陸錫熊 臣孫士毅

總校官 臣陸費墀

東皋子集序

君姓王氏諱績字無功太原祁人也高祖晉穆公自南歸北始家河汾焉厯宋魏迄於周隋六世冠冕國史家牒詳焉君性好學博聞強記與李播陳永呂才為莫逆之交陰陽厯數之術無不洞曉大業末應孝悌廉潔舉射高第除秘書正字君性簡放飲酒至數斗不醉常云憾不逢劉伶與閑戶轟飲因著醉鄉記及五斗先生傳以類酒德頌云雅善鼓琴加減舊弄作山水操為知音

欽定四庫全書

東皋子集
序

者所賞高情勝氣獨步當時及為正字端簪理芴非其好也以疾罷乞署外職除揚州六合縣丞君篤於酒德頗妨職務時天下亂藩部法嚴屢被勦劾君歎曰羅網高懸去將安所受俸錢積於縣城門託以風疾輕舟夜遁隋季版蕩客遊河北去還龍門武德中詔徵以前揚州六合縣丞待詔門下省時省官例日給良醢三升君第七弟靜為武皇千牛謂曰待詔可樂否君曰吾待詔祿俸殊為蕭瑟但良醢三升差可戀爾侍

中江國公君之故人也聞之曰三升醞未足以紓王先生判日給王待詔一斗時人號為斗酒學士貞觀初以足疾罷歸欲定長往之計而困於貧貞觀中以家貧赴選時太樂有府史焦草家善醞酒冠絕當時君苦求為太樂丞選司以非士職不授君再三請曰此中有深意且士庶清濁天下所安不聞莊周避漆園老聃恥柱下卒授焉數月而焦草死妻表氏時送美酒歲餘表又死君歎曰天適不令吾飽美酒遂掛冠歸田自

欽定四庫全書

東皋子集

二

是太樂丞為清流君後追述焦草酒經一卷其術精悉兼採杜康儀狄已來善為酒人為酒譜一卷太史令李淳風見而悅之曰王君可謂酒家之南董君歷職皆以好酒廢鄉里或咤之因著無心子以喻志河汾中先有渚田十數頃稱良沃鄰渚又有隱士仲長子光服食養性君重其貞素願與相近遂結廬河渚縱意琴酒慶吊禮絕十有餘年河渚東南隅有連沙磬石地頗顯敞君於其側遂為杜康立廟歲時致祭以

焦草配焉貞觀中京兆杜之松清河崔君善繼為本州刺史皆請與君相見君曰奈何悉欲坐召嚴君平竟不見崔杜高君調趣卒不敢屈但歲時贈以美酒鹿脯詩書往來不絕君又葛巾聯牛躬耕東皋每著書自稱東皋子晚歲醉飲無節鄉人或諫止之則笑曰汝輩不解理正當然或乘牛駕驢出入郊郭止宿酒店動經歲月往往題詠作詩好事者錄之諷詠並傳於代貞觀十八年終於家時年若干臨

欽定四庫全書

東皋子集

三

終自尅死日遺命薄葬兼預自為墓志所著詩賦並多散逸鳩訪未畢且緝成三卷又著會心高士傳五卷酒譜二卷及註老子並別成一家不列於集云河東呂才君英撰

東皋子集序

淳聞於師曰秉仁義立好惡方之內者也等是非遺物
我方之外者也冥內而遊外聖人也聖人吾不得見之
矣方內者時有焉其惟方外之徒莫得而測也豈踐跡
之道易忘言之理難耶將羣於人而內自得耶何乃莊
叟之後繇歷千祀幾於是道者余得之王君耶心與物
冥德不外蕩隨變而適即分而安忘所拘而迹不害
教遺其累而道不絕俗故有陶公之去職言不怨時有

欽定四庫全書

東皋子集
序

阮氏之放情行不忤物曠哉淵乎真可謂樂天之君子
者矣生於隋季人莫之知故其遺文高迹不顯余每覽
其集想見其人憾不同時得為忘形之友故祛彼有為
之詞全懸解之志庶乎死而可作無愧異代之知音
爾其祖宗之由出處之行前序備矣此不復云平原
陸淳化卿撰

欽定四庫全書

東皋子集卷上

唐 王績 撰

遊北山賦

辭序

吾周人也本家於祁永嘉之際扈從江右地實儒素人
多高烈穆公衡建元之恥歸於洛陽同州悲永安之事
退居河曲始則晉陽開國終乃安康受田墳壠寓居修
馬五葉桑榆成蔭俄將百年績南山故情老而彌篤東

欽定四庫全書

東皋子集
卷上

陂餘業悠哉自寧酒甕多於步兵黍田廣於彭澤皇甫
謐之心事壠畝終焉仲長統之規模園林幸足獨居南
渚時遊北山聊度世以為娛忽經年而忘返西窮馬谷
北達牛溪丘壑依然風烟滿目孫登獨坐對嵇阮而無
言王霸幽居與妻孥而共去窻臨水石砌遠松篁類田
園之去來亦已久矣望山林之故道何其樂哉詩者志
之所之賦者詩之流也式抽短思即為賦云

天道悠悠人生若浮古來賢聖皆成去留八眉四乳龍

顏鳳頭殷憂一世零落千秋暫時南面相將北遊玉殿
金輿之大業郊天祀地之洪休榮深責重樂不供愁何
況數十年之將相五百里之公侯兢兢業業長懼長憂
昔怪燕昭與漢武今識圖仙之有由人誰不願直是難
求聞鼎湖而欲信怪橋山之遽修玉臺金闕大海水之
中流瑤林碧樹崑崙山之上頭不得輕飛如石燕終是
徒勞乘土牛已矣哉世事自此而可見又何為乎惘惘
棄卜筮而不占將縱心而長往任物孤遊遺情直上覺

欽定四庫全書

東坡子集
卷上

二

老釋之言繁恨文宣之技癢彼事業之遷斥豈明神之
牢掌物無待而成章生有資而必養嗟大道之泯沒見
人情之矯枉禮費日於千儀易勞心於萬象審機事之
不息知澆源之寢長鳥何事而嬰羅魚何為而在網生
物詭隔精靈惚恍莊周三月而不朝瞿曇六年而遐想
有是夫況吾之不如先達乎請息交而自逸聊習靜而
為娛遂披林樾進陟峴嶇連峰雜起複嶂環紆歷丹危
而尋捷徑攀翠險而覓修途聳飛情於霞道振逸想於

烟衡重林合沓以齊列崩崖磊砢而相扶觀森沈於絕
磎視晃朗於高嶠自謂搏風颺而出埃壘邈若朝玄宮
而謁紫都碧巖之下青溪之曲望隱隱而繞通聽微微
而不屬眷然引領茲焉頓足步擁石而遭迴視橫烟而
斷續古藤曳紫寒苔布綠洞裏窺書巖邊對局髣髴靈
蹤依稀仙躅竈何代而銷金杯何年而溜玉石室幽藹
沙場照燭松落落而風迴桂蒼蒼而露溥月未側而先
陰霞方昇而已旭喜方外之浩蕩嘆人間之窘束况乃

欽定四庫全書

東坡子集
卷上

三

幽谷藏真傍無四隣紫房半掩玄壇尚新逢閭風之逸
客值蓬萊之故人忽據梧而策杖亦披裘而負薪荷衣
薜帶藜杖葛巾出芝田而計畝入桃源而問津崑丘若
礪渤澥揚塵裁碧柰而何日種瓊瓜而幾春自然詭異
非徒隱淪乃有上元仙骨太清神手走電奔雷耘空時
朽河間之業不齊貫淮南之術無虛受呪動南箕符迴
北斗僊伶贈藥麻姑送酒青龍就食於甲辰玄牛自拘
於乙丑永懷世事天長地久顧瞻流俗紅顏白首儻千

秋之可營亦何為而自輕昔時君子曾聞上征忽逢真
客試問仙經談九華之易就叙三英之可成拭丹爐而
調石髓裹翠釜而出金精珠流玉結雪耀霜明咸謂刀
圭暫進足使雲車下迎紛吾人之狹見攪羣疑而自拂
使役足而咸安亦何為乎此物彼赤城與玄圃豈憑虛
而構窟但水月之非真譬聲色之無佛過矣劉向吁嗟
葛洪指期紫影依方捕風誰能離世何處逃空假使遊
八洞之金室坐三清之玉宮長懷企羨豈出樊籠徒勞

欽定四庫全書

東坡子集
卷上

四

海上何事雲中昔者蔣元卿之三逕陶淵明之五柳君
平坐卜於市門子真躬耕於谷口或託閭閻或歷山藪
咸遂性而同樂豈違方而別守吾無所圖斯焉獨遊屬
天下之多事遇山中之可留聊將度日忽已經秋菊花
兩岸松聲一丘不能役心而守道故將委運而乘流伊
林間而虛度固樵隱之俱託逢去老於中溪遇還童於
絕壑雲峯龜甲而重聚霞壁龍鱗而結絡水出浦而潺
潺霧含川而漠漠是欣是賞爰遊爰豫結蘿幌而迎宵

敲茅軒而待曙爾其雜樹相糾長條交茹葉動猿來花
驚鳥去起公子之殊賞談王孫之遠慮山水幽尋風雲
路深蘭窗左闌茵閣斜臨石當階而虎踞泉度牖而龍
吟月照南浦烟生北林閱丘壑之新趣縱江湖之舊心
道集吾室風吹我襟松花柏葉之醇耐鳳翽龍唇之素
琴白牛溪裏峰巒四峙信茲山之奧域昔吾兄之所止
許由避地張超成市察俗刪詩依經正史康成負笈而
相繼根矩樞衣而未已組帶青衿錚錚儼儼堦庭禮樂

欽定四庫全書

東坡子集
卷上

五

生徒杞梓山似尼丘泉疑洙泗吾兄通字仲淹生於隋末守道不仕大業中隱居北溪續孔氏六經近百餘卷門人弟子相趨成市故溪今號王孔子之溪也忽焉四散于今
二紀地猶如昨人今已矣念昔日之良遊憶當時之君
子佩蘭陰竹詠茅席並樹即環林門成闕里姚仲由之
正色薛莊周之言理此溪門人常以百數唯河南董恒南陽程元中山費瓊河東薛收秦山姚義太原溫彥博京兆杜淹等十餘人為最後來題目以姚義慷慨方之仲由薛收理識方之莊周薛實妙耳
觸石橫肱逢流洗耳取樂經籍忘懷憂喜時挾策

而驅羊或投竿而釣鯉何圖一旦邀成千祀木壞山頽

舟移谷徙北岡之上東巖之前講堂猶在碑書宛然想
問道於中室憶橫經於下筵壇場草樹院宇風烟昔丈
中之僻處諒遭時之喪亂局逸步而須時蓄奇聲而待
旦旅人小吉明夷大難建功則鳴鳳不聞修書則獲麟
為斷惜矣吾兄遭時不平殁身之後天下文明坐門人
於廊廟瘞夫子於佳城死而可作何時復生式瞻虛館
載步前楹眷眷長想悠悠我情俎豆衣冠之舊地金石
絲竹之餘聲歿而不朽我何所營

吾兄仲淹以大業十三年卒於鄉余時年

欽定四庫全書

東坡子集

卷上

三十三門人謚為文中子及皇家受命門人多至公輔
而丈中之道未行於時因遊北溪周覽故迹蓋傷高賢
之臨故墟而掩抑指歸途而嘆惜往往溪橫時時路
塞忽登崇岫依然舊識地迴心遙山高視直望烟火於
桑梓辨溝塍於鄉國前臨姑射之西正是河汾之北悵
矣懷抱悠然川域憶昔過庭童顏稚齡何賞不極何遊
不經弄春風於磻戶詠秋月於山扃北窗照雪南軒聚
螢綵衣扇枕縵布聞經何斯樂之易失倏銜哀而茹恤
天未悔禍遭家不秩子敬先亡公明早卒吾自此而浩

蕩又逢時之不仁天地遂閉雲雷漸屯與沮溺而同趣
共夷齊而隱身幸收元吉坐偶昌辰容北海之嘉邇許
南山之不臣養拙辭官全和保真豈若馮敬通之誅世
趙元叔之尤人殷憂恥賤憔悴傷貧探井臼之無樂歷
山河而苦辛豈如我家身事都盧棄置不念當歸寧圖
遠志坐青山而方隱遊碧潭而已喜舊知山處絕氛埃
登高日暮心悠哉子平一去何時返仲叔長遊遂不來
幽蘭獨夜之琴曲桂樹凌晨之酒杯丘園散誕窟室徘徊

欽定四庫全書

東坡子集

卷上

徊坐等枯木心同死灰亦有山羞野饌蘭漿木麩杞葉
煎羹松根溜醪既採藥而為食諒隨情而不矯負鍾春
前腰鎌歲杪草漸密而饒蟬樹彌高而足鳥地寂寞而
森沈路縱橫而窈窕野亭鶴唳山梁雉鳴遠遊之所幽
栖之次或抱犢而新來乍聞雞而始至藿畦一兩茅齋
數四山為險而無人嶺時平而有地石菌抽葉金芝壯
穗鏡執山精刀驅木魅泉繞砌而魚躍樹橫窗而鳥萃
天網何寬人生幾難飲河知足巢林必安亦何榮於拾

紫亦何羨於還丹紅藜促節之杖綠籜斑文之冠野殮
二簋園蔬一盤送阮籍而長嘯得劉伶而甚懼曉入柴
戶暮歸藥欄老菜地僻鄰生谷寒楊柳則條垂鍛沼杏
樹則花飛坐壇賦成鼓吹詩如彈丸攜始醉之鳴鶴對
新婚之伯鸞我有懷抱蕭然自保古人則與子同歸紛
吾則此焉將老澗溪沼沚之蘋艾丘陵坂險之桑棗接
果移棠栽苗散稻不藏無用之器不愛非常之寶抵玉
驚禽揮金雜草接朋友於杯案弄兒童於襁褓樂山澤
之浮遊笑江潭之枯槁戒非佞佛齋非媚道無譽無功
形骸自空坐成老圃居然下農身與世而相棄賞隨山
而不窮披衣竈北逐食場東儻有白頭四皓龐眉八公
小童乘日仙人馭風鄉老則杖頭安烏邦君則車邊畫
熊心期暗合道術潛同解來相訪愚公谷中

欽定四庫全書

集部
東皋子集卷中

詳校官左都御史臣李紱
檢討臣何思鈞覆勘

總校官原任中允臣王燕緒
校對官中書臣李紱
謄錄監生臣周元濬

欽定四庫全書

東皋子集卷中

唐王績撰

古意六首

幽人在何所，紫巖有仙躅。
月夜橫寶琴，此外將安欲。
材抽暉山餘，微點崑丘玉。
漆抱蛟龍脣，絲纏鳳皇足。
前彈廣陵罷，後以明光續。
百金買一聲，千金傳一曲。
世無鍾子期，誰知心所屬。

欽定四庫全書

東皋子集
卷中

竹生大夏溪，蒼蒼負奇質。
綠葉吟風勁，翠莖犯霄密。
霜霰封其柯，鴛鴦食其實。
寧知軒轅後，更有伶倫出。
刀斧俄見尋，根株坐相失。
裁為十二管，吹作雄雌律。
有用雖自傷，無心復招疾。
不如山下草，離離保終吉。
寶龜尺二寸，由來宅深水。
浮遊五湖內，宛轉三江裏。
何不深復深，輕然至溱洧。
溱洧源流狹，春秋不濡軌。
漁人遞往還，網罟相縈累。
一朝失運會，剝腸流血死。
豐骨輸廟堂，鮮腴藉邊鄙。
棄置誰怨尤，自我招此否。
餘靈寄明

卜復來欽所履

松生北巖下由來人徑絕布葉捎雲烟挿根擁巖穴自言生得地獨負凌雲潔何時畏斤斧幾度經霜雪風驚西北枝電隕東南節不知歲月久稍覺枝幹折藤蘿上下碎枝幹縱橫裂行當糜爛盡坐共灰塵滅寧關匠石顧豈為王孫折盛衰自有時聖賢未嘗屑寄言悠悠者無為嗟大耋

桂樹何蒼蒼秋來花更芳自言歲寒性不知露與霜幽

欽定四庫全書

東坡子集
卷中

二

人重其德徙植臨前堂連拳八九樹偃蹇二三行枝枝自相糾葉葉還相當去來雙鴻鵠栖息兩鴛鴦榮蔭誠不厚斤斧亦勿傷赤心許君時此意那可忘

彩鳳欲將歸提羅出郊訪羅張大澤已鳳入重雲颺朝栖崑閬木夕飲蓬壺漲問鳳那遠飛賢君坐相望鳳言荷深德微禽安足尚但使雛卵全無令繒繳放皇臣力收舉帝樂簫韶暢自有來巢時明年阿閣上

田家三首

一作王勃詩

阮籍生平懶嵇康意氣疎相逢一醉飽獨坐數行書小池聊養鶴閒田且收豬草生元亮逕花暗子雲居倚牀看婦織登壘課兒鋤迴頭尋仙事併是一空虛
家住箕山下門枕潁川濱不知今有漢唯言昔避秦琴
伴前庭月酒勸後園春自得中林士何忝上皇人
平生唯酒樂作性不能無朝朝訪鄉里夜夜遣人酤家
貧畱客久不暇道精羸抽簾持益炬拔簣更然爐恒聞
飲不足何見有殘壺

欽定四庫全書

東坡子集
卷中

三

贈李徵君大壽

孔淳辭散騎陸景謝中郎幅巾朝帝罷杖策去官忙
附車還趙郡乘船向武昌九徵書未已十辟譽彌彰
副君迎綺季天子送嚴光灞陵幽徑近礪溪隱路長
編蓬還作室績草更為裳會稽置樵處蘭陵賣藥行
看書惟道徳開教止農桑別有幽懷侶由來高讓王
前年辭厚幣今歲返寒鄉有書橫石架無甌坐土牀
蘭英猶足釀行實本無糧澗松寒轉直山菊秋自香
營寧存祭禮王霸

重朝章去去相隨去披裘騎盛唐

山中叙志

物外知何事山中無所有風鳴靜夜琴月照芳春酒直
置百年內誰論千載後張奉聘賢妻老萊藉嘉偶孟光
儻未嫁梁鴻正須婦

贈梁公

我欲圖世樂斯樂難可常位大招譏嫌祿極生禍殃聖
莫若周公忠豈踰霍光成王已興誚宣帝如負芒范蠡
欽定四庫全書
東萊子集
卷中
四
何智哉單舟戒輕裝疏廣豈不懷策杖還故鄉朱門雖
足悅赤族亦何傷履霜成堅冰知足勝不祥我今窮家
子自言此見長功成皆能退自古誰滅亡

薛記室收過莊見尋率題古意以贈

伊昔遭喪亂歷數閏當餘豺狼塞衢路桑梓成丘墟吾
及爾皆亡東西各異居爾為背風鳥我為涸轍魚逮承
雲雷後欣逢天地初東川聊下釣南畝試揮鋤資稅幸
不及伏臘常有儲散誕時須酒蕭條懶向書朽木不可

雕短翮將焉據故人有深契過我蓬蒿廬曳裾出門迎

握手登前除相看非舊顏忽若形骸疎追道宿昔事切
切心相於憶我少年時攜手遊東渠梅李夾兩岸花枝
何扶疏同志亦不多西莊有姚徐嘗愛陶淵明酌醴焚
枯魚嘗學公孫弘策杖牧羣豬追念甫如昨奄忽成空
虛人生詎能幾變迫常不舒賴有北山僧教我以真如
使我視聽遣自覺塵累祛何事須筌蹄今已得兔魚舊
遊儻多暇同此釋紛拏

欽定四庫全書

東萊子集
卷中

五

晚年叙志示翟處士

正師

弱齡慕奇調無事不兼修望氣登重閣占星上小樓明
經思待詔學劍覓封侯棄繻頻北上懷刺幾西遊中年
逢喪亂非復昔追求失路青門隱藏名白社遊風雲私
所愛屠博暗為儔解紛曾霸越釋難頗存周晚歲聊長
想生涯太若浮歸來南畝上更坐北溪頭古岸多磐石
春泉足細流東隅誠已謝西景懼難收無謂退耕近伏
念已經秋庚桑逢處跪陶潛見吏羞三晨寧舉火五月

鎮披裘自有居常樂誰知身後憂

初春

前旦出園遊林華都未有今朝下堂望池冰開已久雪
避南軒梅風催北庭柳遙呼竈前妾却報機中婦年光
恰恰來滿甕營春酒

採藥

野情貪藥餌郊居倦蓬葦青龍護道符白犬遊仙術腰
鑪戊己月負鍾庚辛日時時斷嶂遮往往孤峯出行披

欽定四庫全書

東集子集
卷中

六

葛仙經坐檢農皇帙龜蛇採二苓赤白尋雙朮地凍根
難盡藪枯苗易失從容肉作名薯蕷膏成質家豐松葉
酒器貯參花蜜且復歸去來刀圭輔衰疾

在京思故園見鄉人遂以為問

旅泊多年歲老去不知迴忽逢門前客道發故鄉來斂
眉俱握手破涕共銜杯慙慙訪朋舊屈曲問童孩衰宗
多弟姪若箇賞池臺舊園今在否新樹也應栽柳行疎
密布茆齋寬窄裁經移何處竹別種幾株梅渠當無絕

水石計總生苔院果誰先熟林花那後開羈心祇欲問
為報不須猜行當驅下澤去剪故園萊

春桂問答二首

問春桂桃李正芬華年光隨處滿何事獨無花

二

春桂答春華詎能久風霜搖落時獨秀君知不

北山

舊知山裏絕氛埃登高日暮心悠哉子平一去何時返

欽定四庫全書

東集子集
卷中

七

仲叔長遊遂不來幽蘭獨夜清琴曲桂樹凌雲濁酒杯
槁項同枯木丹心等死灰

野望

東皋薄暮望徙倚欲何依樹樹皆秋色山山唯落暉牧
人驅犢返獵馬帶禽歸相顧無相識長歌懷采薇

贈程處士

百年長擾擾萬事悉悠悠日光隨意落河水任情流禮
樂因姬旦詩書縛孔丘不如高枕枕時取醉消愁

九月九日

野人迷節候端坐隔塵埃忽見黃花吐方知素節回映
巖千段發臨浦萬株開香氣徒盈把無人送酒來

獨坐

問君樽酒外獨坐更何須有客談名理無人索地租三
男婚令族五女嫁賢夫百年隨分了未羨陟方壺

遊仙四首

暫出東陂路過訪北巖前蔡經新學道王烈舊成仙駕
欽定四庫全書

東集子集
卷中

鶴來無日乘龍去幾年三山銀作地八洞玉為天金精
飛欲盡石髓溜應堅自悲生世促無暇待桑田

二

上月芝蘭徑中巖紫翠房金壺新練乳玉釜始煎香六
局黃公術三門赤帝方吹砂聊作鳥動石試為羊緱氏
還程促瀛洲會日長誰知北阜下延首詠霓裳

三

結衣尋野路負杖入山門道士言無宅仙人更有村斜

溪橫桂渚小徑入桃源玉牀塵稍冷金爐火尚溫心疑
遊北極望似陟西崑逆愁歸舊里蕭條訪子孫

四

真經知那是仙骨定何為許邁心長切嵇康命似奇桑
疎金闕迴苔重石梁危照水然犀角遊山費虎皮鴨桃
聞已種龍竹未經騎為向天仙道棲皇君詎知

策杖尋隱士

策杖尋隱士行行路漸賒石梁橫澗斷土室映山斜孝
欽定四庫全書

東集子集
卷中

然縱有舍威輦遂無家置酒燒枯葉披書坐落花新垂
滋水釣舊結茂陵置歲歲長如此方知輕世華

贈學仙者

採藥層城遠尋師海路賒玉壺橫日月金闕斷烟霞仙
人何處在道士未還家誰知彭澤意更覓步兵那春釀
煎松葉秋杯浸菊花相逢寧可醉定不學丹砂

黃頰山

別有青溪道斜互碧巖隈崩榛橫古蔓荒石擁寒苔野